

---

## RE:WALUMBE ZAAAYA LYRICS.....

Posted by JeenaJulia - 2007/12/20 10:21

---

Walumbe zaaaya atukola bw'ati..

WALUMBE zaaaya atukola bw'ati, Bak'abasajja b'otugumbula otyo, Laba bw'olekawo ab'emitwe emiyaaye, Oli wa ngeri ki atamanyi bateefu?

Onkutulidde ne ggita nsula nkuyimba, Komaniina ogira okubulwa w'osula. Oli mubbi nnyo mundeke mulangire, Ate tunaayogera ng'abali e bukoddomi? N'owulira enduulu n'emiranga maama, N'abagagga abasikambula mu mabenzi.

Laba obwamulekwa bwe bwefuze Obuganda Lwattima olutulesa amabujje! Ne lufuukuuzza n'abali ebuziizi! Ne lulindiggula n'abali mu bire eyo. Lwa ndasi lulya n'abali e Bulaaya, Omutemu awenja ne munda z'abakyala. N'akuunyulayo n'obuyonka maama, Ate takuba mmiisi n'obuto abugaaya! Nkugambye luzibu tulya nalwo eka, Ne mu bifo ebisanyukirwa luli eyo kyema, Luli mu nguuli gye twesenserera eyo..! Kale luzibu olwetiba atamidde. Kitalo nnyo kitalo yaaya yaaye, Kitalo kitalo baana batu Kitalo nnyo kitalo yaye yaye Kitalo kitalo baana batu Kitalo kitalo woowe woowe Kitalo kitalo baana batu kitalo Kyokka ggete ggete sebbo Walumbe, Nze luntunuzu ng'atali musajja, Ggwe atalina ggita wa gy'olaza abayimbi? B'osomba obuliza awatali siteegi?

Aba legi n'abakassanova? N'abakadongokamu n'otugattika otyo? Ssebo gy'otutwala nga teri butuulo, Emagombe wala eyo etava kalungi, Mu bonna be watwala mpaawo alidda, Bali mu bibululu etava ddoobozi, Eyo mu nzikiza ewatali tawaaza, Nange Paulo gye ndaga ewala eyo. Eyo mu ttambiro lyo eyo awabunye entiisa, Era we waabulira n'owuwo omulungi. Ky'ova ondaba nkuba ggita ngayaala, Na byonna bye nkola tebimpa maanyi, Bannange essaawa y'okufa eriko ebibuuzo, Ate ne byanukulwa bityo engeri engayaavu, Ky'ekitawankanya nange eyalya amabanja, Ebirinjogerwako awatali kuwuuna.

Bwentyo ne newunika ne mba ng'omukyaawe. Ani alinjulira ndiba nziyidde! Kitaloo kitalo ..... Kitalo nnyo..... Lusika abanene ababunye ebiteebwa! Ne lukkalira nga lubuukira abalungi, Ab'emibiri egy'eyiwaayiwa abo, Ssebo bonna terubatiisa maaso. Lubawereba puleesa ne alusa oyo, Ne basindogoma n'olutya lusajja. Ne luyingirira n'amaka amalungi, Ne luleka ebifulukwa ndifa ndulojja. Eyo ewajjanjabirwa, eno ensi yafa dda, Abalala lubazingirako waka eyo. Lwa ttima olutwenyaza mu baana, N'ofuuka ekyenyinyalwa bw'otyo, Leero n'ofa ng'oweddemu omuwendo, Kw'ogatta n'obulumu obw'ekika ekiboofu, Lugaba n'emitima egy'ekinyanya mwattu Bantu bannaffe be tunyumya nabo abo, Oli n'akusanjaga awatali kutyamu, N'atakubyamu ngeri gy'onolekamu amabujje.

Oluusi omuntu ng'oyo abeera n'ababe eka Ggwe ababo ne baba ng'abatali baana! Abagumba ab'emitwe abo bantama nze Abatusuza twaziirana mu miranga!

Kitaloo kitalo ..... Kitalo nnyo..... Labayo ab'ensusu abato abatiini, Basinduka baweddemu omucuuzi. Abalungi n'ababi bonna abagasse, Njagala ndabe ku lulimi lwa Walumbe. Olwo olugattika ebikaawa n'ebiwooma Olaba Mabiriizi lwamulya ngayadde, Ndowooza lwanniimisa ntamidde, Munnange omutto eyali amanyi okuyimba. Ate nga nange lummanyi eddoobozi Kale kyenya nnumira mu byentera okuyimba. Tulabye n'obulumu obutagenda kuggwa, Kino kitalo nnyo kitalo baana battu.

Afazaali singa abazaawa badda, Ne batubulira bw'efaanana ewala eyo. Abalenzi abaali ab'ebiteebwa, Bonna lwabayuza amasuuti. Luulwo ne mu baana by'abagagga, Lukonjobola ng'olusa obuwunga. Lwandasi lulya n'amanyi oluzungu, Teruliiko musomi na mukafiiri. Eyo ennyanja lwagimalamu obukejeje, Naye ate nze aweramu gguleevi ! Kitaloo kitalo ..... Kitalo nnyo..... Labayo obwama bwe bwefuze abateefu, Beekengereza zzisa busolo oyo.

Twegeya tuli ku mabbali awo, Baka banene nze mbatya okubaasa, Kyokka bw'olowooza okufa nga weenyazeenyaze, Ng'okufa bwe liri tteeka n'oyoya ekikutuko. Mpaawo n'asobola kwawula mu nfa ye, Wabula tweekanga lumaze okutuuka. Buli omu n'engeri ye ne bw'eba ya kikangabwa, Mpaawo musanvu gy'oguteeka maama, Nnyazaala wange ye singa amusonyiwa, Anzaalira omukuumaka omulungi.

Owange mpa oluguuli nywe ndabe ggwe, Abawoza kiki agunywa engeri eyo? Olwo nnywe peetulooli nze atali mmotoka? Oba mu mmotoka mwe baba bayiwa enguuli? Nze siwubwangako kuva ku ndeku awo nedda Oyo anneenyinyala angobanga ewuwe eka Omwenge gwe gutuga abafa ebikutuko Oba gwe gutirimbula obuva ku mabeere? Ye ggwe atagunya olifa otya nkubuuza?

Leka nno bajje bakukube ogubundu Olyoke omanywe bwe tutudde mu giraasi Anti ziizino zafuuka miggo buggo. Eno ensi okujamuka n'entaayi tesala! Nze ndeka ne mmiima ndifa ntaamide. Luno lulya n'obukazi obutanaaba maaso. Lwamalako terweganya bicaafu Kitaloo kitalo ..... Kitalo nnyo..... Lufumbiikiriza abaakola entegekka, Bwe lubasanga mu makubo tebadda waabwe Kati ku mpya ludibizaayo abalungi Ne wabula anyega luli olutyanga.

Labayo ennaku bwe yeefuze abasajja, Okuyita mu makubo ng'abatalina maaso. Luno lutwepankiddeko nkugambye, Okufulula abamanyi Oluganda. Ebirungi lubitulesaawo, Naye kale Mukama bw'atyo. Ne lusattulula abafumbo abalungi, Omwagalwa wo n'aserengeta ewala eyo. N'osigala ku bwassemwandu bw'otyo, Ofunda n'obwaluli naye ate obwa luno. Ne lusiikuula abateesa obulungi, N'olaba amatemu bwe gayitingana awo.

Obugumba n'obuwuulu bw'atya ggwe, By'ebyesibye mu mayumba g'abasajja. Luwalampye n'e Makerere mu bagunjufu, ddiguli luzibalesa mitwetwe! Kyokka ayi Mukama olina obusungu, Okutuliyisa essango eritazzibwa ffe. Jjajja w'olulyo eyasobya gy'oli, Ggwe wandibonerezza n'ogwo omuggo. Naye ffe kaakano tulinga baana, Abatamanyi ebyaliwo mu kusooka. Singa lulya nguzi awo kyandibadde yadde, Nange nandipakasizza ne ngulirira.

Labayo ezaali entumbwe z'abalungi, Ziringa minyolo gya namunjoloba. Ggwe tolaba enkompe mw'atunulira kati, Abo bonna baali bantu ba muwendo. Ab'embuto ezibooleka ebisente, Basongodde lwabaganzika eyo. Kye twalya twandikizzizza gye kyava, Okusinga okuziraga tutyo!

Ye ne bwe nawoloma emiti okukyuka, Mpaawo kirikyukako yalabbi. Mbasiibudde nsaasira abalwadde, Mukama waffe abangumize bambi. Ne nsaasira n'abali ku lukuusi, Ddunda abawe ekiwummulo ekirungi. Olusibira mu bbwa luno ndifa ndulojja, Luzibu nnyo lukambwe baana battu!!!!

---

## WALUMBE ZAAYA LYRICS.....

Posted by streetkid - 2007/12/20 15:41

Jeena Julie,

Webale nyo nyo..oluyimba luno.Kale ebigambo bino bilina amakulu mangi nyo.Webale nyo obudde bwewatutte nga ononyereza "ebigambo/lyrics" ebyoluyimba luno.Webale nyo era tojjanga okwo.

Paolo Job Kafeero, mukama akuwe ekiwummulo eky'emirembe.

StreetKid!

---

---

## RE:WALUMBE ZAAYA LYRICS.....

Posted by Musisi - 2007/12/20 18:16

---

Jeena Julia webale nnyo munaffe kutuwa bigambo ebyo. Nkwagaliza Ssekukulu ennungi erimu emirembe n'amasanyu gokka ate nomwaka ogujja gukuberere gwa ddembe. Paulo Kafeero omukama amuwe ekiwumulo emirembe nemirembe!

Musisi (TAX)

=====

## RE:WALUMBE ZAAYA LYRICS.....

Posted by Musisi - 2007/12/20 18:17

---

Jeena Julia webale nnyo munaffe kutuwa bigambo ebyo. Nkwagaliza Ssekukulu ennungi erimu emirembe n'amasanyu gokka ate nomwaka ogujja gukuberere gwa ddembe. Paulo Kafeero omukama amuwe ekiwumulo emirembe nemirembe!

Musisi (TAX)

=====

## RE:WALUMBE ZAAYA LYRICS.....

Posted by Musisi - 2007/12/20 18:17

---

Jeena Julia webale nnyo munaffe kutuwa bigambo ebyo. Nkwagaliza Ssekukulu ennungi erimu emirembe n'amasanyu gokka ate nomwaka ogujja gukuberere gwa ddembe. Paulo Kafeero omukama amuwe ekiwumulo emirembe nemirembe!

Musisi (TAX)

=====

## RE:WALUMBE ZAAYA LYRICS.....

Posted by Musisi - 2007/12/20 18:18

---

Jeena Julia webale nnyo munaffe kutuwa bigambo ebyo. Nkwagaliza Ssekukulu ennungi erimu emirembe n'amasanyu gokka ate nomwaka ogujja gukuberere gwa ddembe. Paulo Kafeero omukama amuwe ekiwumulo emirembe nemirembe!

Musisi (TAX)

=====

## RE:WALUMBE ZAAYA LYRICS.....

Posted by omumbejja - 2007/12/20 18:32

---

Owange Musisi ekyuuma kyo kilabika kisikatidde kyetaaga kutonnyezaamu ku bbombo ekitali ekyo luno olupapula mupiira otuuse okulutumalirawo naye era tukusanyukidde onobaayo gyegunayisibwa ndeku party tetufaayo kijjira mundeku nebwenebera lubeere kasita enekufuula ssaafi kulunaku lwaffe olwa 31 nga Mike atussa zouk ne lingala

=====